

沅  
湘  
耆  
舊  
集

沅湘耆舊集卷第一百六十一

新化鄧顯鶴湘臯編輯

湘陰左宗植仲基校訂

張永安家植

十首

家植字星田號樞庭湘潭人揚州知府世浣子以  
廩貢歷官福建松溪建寧寧化福清永安知縣權  
蛭江滄海通判有琅環書屋詩存星田名家予世  
有治譜性明決善斷疑讞孫文靖公爲閩督時嘗  
推爲折獄才每倚重焉詩無意求工自爾諧適其  
子聲玠玉夫才士也聞余有選輯楚詩之役亟衷  
其家集自仙居以下二十餘種見示又助余蒐羅

各家唯恐不及盡不僅無愧張氏門風已也

自題種花圖小照

披圖常對我繞幘盡栽花春色不言去朱顏聊自誇風光  
深塢暖日影曲欄遮領略箇中趣吾生豈有涯

土合黃磁斗花環金帶圍壺觴隨意設蜂蝶向人飛剪葉  
綠映手落英紅上衣休誇種梅客月裏荷鋤歸

韶華誰爲惜此意自深思樂事賞心處他年回首時花憐  
枝上別人在畫中宜怕向街西去傷春似牧之

初蒞松溪吟示幕中諸友

投筆名慚班定遠爲郎貲竭馬相如官卑欲薄五斗米收  
拙難拋一卷書人看尹何新製錦家畱羊續舊懸魚他時

待署催科考可是心勞撫字餘

甘棠鄴邑景先賢

自注先曾叔祖與五公曾宰鄆武

宦轍南閩有後緣久

慣安閒爲木鐸

自注予曾奉委醴陵訓導

欲憑談笑廢蒲鞭照人明月

思懸鏡入袖清風可作錢喜是晦翁曾講學民情畱得未

雕天

樂歲農桑治井閭下車心媿古人無都驚令尹年猶少自

笑鯁生吏不儒雅興漫憑花縣寄異聞思向鯉庭趨

自注家大

人現守揚州

揚州惠澤流傳遍五馬聲名遍上都

叅軍主簿儘堪誇喜得名流聚一家巾漉泉明酣麴蘖幕

開王儉媿蓮花同拈綵筆方題句怕戀黃綢又放衙好是

訟庭清簡甚獄成難到夕陽斜

九日偕家湘如吳定齋鐵仙昆季登黃華山步鐵仙韻

振衣長嘯上高岡一笑詩狂共酒狂  
天地幾千年勝蹟吾生三十五重陽  
臥看江影秋山綠吟雜蟬聲落葉黃  
說與晦翁情互異滿城寒雨客閩鄉

感懷

漫樹甘棠當古榕飄零誰意比飛蓬  
浮雲頓幻天邊影老驥長嘶墜下風  
終信民情能我恕須知人厄不天窮  
吾家清白留湘水敢怨相如四壁空

答沈松溪問近况

家具頻從栗里遷西風蕭颯又經年  
崔陵門舊排三戟劉

龍囊今贖一錢感子綈袍能戀戀問誰書記更翩翩開樽  
記醉瓊筵月回首當時一惘然

張安州家桐 八首

家桐字龍門號小瀛湘潭人雅州知府世濂子官  
安州直隸知州著有師竹齋百尺山房詩草

武昌移居用淵明韻

我無二頃田莫覓五畝宅蚊蜨笑焦巢聊復永今夕孤矢  
志四方歲歲嗟行役泛棹賦歸與春江舟挂席暫止武昌  
城囂塵仍往昔爽塏固非期近市利誰析

自注時寓  
德勝橋

淵明昔歸隱雅有移居詩室陋貴德馨德薄吾恥之京國  
路三千朝夕縈所思家園隔洞庭言歸宜及時燕厦且盤

杜歡息良在茲酸寒本面目富屋莫余欺

白注白詩酸寒富屋欺

### 雙溝晚行

片雲歸去急兀坐怯衣單馬倦鈴聲緩天空暮色寒臨風聊索句沽酒欲忘餐卻羨村居樂柴門半已關

### 書感

自注時內子兩週

魚鱗沈沈夜閉門鴛綃淚溼灑黃昏香埋楚嶺人千里夢繞秦關月一痕無復雕梁棲舞燕可憐荒草嘯孤猿多情宋玉原愁客今日招魂欲斷魂

### 小至用工部韻

不嫌擘鉢漫相催詩似坡仙信手來玉漏敲殘蘭燭淚寒風落盡豆蔻灰湖邊尚暗修眉柳

自注準寧城西有柳湖

簷外纔橫

點額梅刺繡何人添弱線夜深腸斷鬱金杯

春暮書懷

湘簾低捲晚風輕畫閣香溫酒細傾花事闌珊昨夜雨春  
情消瘦幾聲鶯芙蓉帳冷新愁長豆蔻書沈別緒繁莫謂  
江淹工賦憾難堪最是一清明

自武昌至長沙舟行絕句

遠渚煙消霽色開蒲帆十幅櫓聲催停舟緩步垂楊岸便  
有漁人曬網來

襄陽少女慣行舟低唱菱歌倚柁樓記得綠陰最深處蘆  
花夾岸是廬州

陳訓導鑑二首

鑑字藻卿號平湖湘陰人廩貢候選訓導著有鑾  
桐餘響藻卿爲同甫詩伯之子同甫豪公子散金  
結客家中落藻卿性狷介一羶牢落三旬九食爰  
如也嘗上書某大府不被容接終身病之其書事  
詩一首卽指此也

和謝向亭學使符生行

舉秀才不知書舉孝廉父別居稱譽自來多失誣咸陽一  
炬大風起分一杯羹著之史符生今孝子家貧面如洗母  
病思肉不可得引刀割股供盤匱一爨肉亦無幾母食之  
病良已從來庸行不驚奇年在童穉又何知但知割肉療  
母飢豈顧性命與體肢上中之筍冰上魚難得之物且致

之矧此肉卽母之遺孝至愚心至苦母曰嗟予季兄曰嗟  
子弟相抱大哭涕如雨迄今已閱十四年痛定思痛猶酸  
楚乃知天地有正氣沛塞蒼溟無不至僻狂叢莽中亦有  
此瑰異虧毀雖不邀獎嘉真摯要足昭愧厲前年舉茂才  
今復拔其萃出之污泥中特與衆人識宗工提唱直超元  
濡染大筆真如椽脫手詩歌萬口傳符生得此名不涇顧  
我豈得無一言人生忠孝根性天致身竭力理則然行當

高第貢 九天符生符生其勉旃

附宜黃謝向亭學使階樹原作并序慈利縣秀才  
符正道年十二時母楊氏病思肉家食甚無錢賒  
之於屠不可得則割其股以食母而母病愈他日  
其兄察而覺之始知其故慈利學官以優行聞年  
二十六矣余亟拔之高等以厲士庶作符生行慈  
利縣符秀才之母病苦飢飢思肉食無錢買秀才

年尙孩聞母言倉皇走長街如城如陵柝上肉賒  
之不得攔道哭慙不遇安邑令慙不作穎考叔歸  
向廚中行躑躅机上忽見切肉刀兩股噤生寒  
毛母不得肉隔壁號聞母曉心自思吳君尙合蛟  
喉肌我今何惜療母饑持刀割股如羊刳願以身  
作茅容雞脚脰苦痛心不知烹之食母病者失其  
兄外至母爲述兄問安得錢但云賒之屠詰朝問  
屠屠言無歸來怪弟行次且微覺血染中需汚逼  
視果見臀無膚母抱子泣聲噫嗚鄰里觀者咸嗟  
吁母言孝子符兄言孝子符家申皆言孝子符如  
今稱爲秀才符真秀才本孝子父別居愧欲死君  
不見子墮渡疾故手足外淵乃爲小子勗又不見  
子春下堂傷其足常悲虧體爲親辱中行不得思  
狂謂論品當書獨行傳孩提知愛貴一誠僞者斷  
臂亡毛輕君試問黃帽  
匪腹中何似安金藏

書事

無端降志見諸侯豈料明珠竟暗投吳坂奮嘶終失望齊  
門鼓瑟究遭咄已知柳季書三策不放坡翁出一頭自慙

虞翻鵠骨相非關今世少蘇歐

王縣丞人作二十四首

人作字倬雲寧鄉人江西樂平縣丞著有嵇山詩  
稿嵇山嗜學能詩爲瀉西諸王之雋以四庫館  
議叙得官丞樂平時累權他縣事皆治以不阿上  
官意罷去旣棄官浪游足跡遍天下晚歲余嘗遇  
之揚州未幾聞偕其友遊虎邱一夕卒今從其家  
搜得殘闕詩稿一帙剝落過半爲擇其稍完善者  
存之

瞿安槎得長洲王盛畫毛子晉汲古閣圖盛有題在  
幀首同人次韻

汲古構傑閣何人試攀躋商權次甲乙裝褫覆錦綈吾宗  
昔妙手作畫留新題書亡有時遇址荒安所稽賴此聚歌  
咏分行如春畦率率酬嘉藻衰謝慚羹藜流連好事心惆  
悵雲烟齊

予買得小石山可代筆格同人聯句盡冊相贈次韻  
奉酬

少小愛邱壑老無買山價具體得奇石對若山不假深邃  
儼巖洞嵯峨亦岱華坂折落平坡路曲通幽罅勢遠走透  
迤峯回鎮崩瀉臂出俯斷崖肱橫森凌跨忽露兩角禿破  
碎衆山下瘦稱老病翁皴與韃皮亞黑質而白章點綴在  
頂勝材取五寸餘敲落鑿頭畫物役萬里遊所遇胸未化

及茲安忍釋記憶生愕詫典衣袖且歸雕檀爲我架遂有  
衆客誇吟高破冬夜繪圖增氣象居然聲藉藉英州與靈  
壁鑒別誰能捨

次韻張息廬夜雨感懷

澤國春猶淺江樓氣轉寒沈陰團院落細雨積簷端衰颯  
憑鳥几淹留尙鵲冠偶聞雷起輦開戶試偷看

砧聲

拍拍谿流上淒淒搗練聲女心悲力倦客枕入邊情到處  
催秋老頻年急遠征知當隴水咽更憶暮砧鳴

柝聲

嚴警當寒夜周徇柝擊忙令行千戶肅風沸百城防閑入

江湖耆舊集 卷第一百十一  
聞人夢遙憐力役傷時平仍不廢盜賊爾何藏

自題種菜圖

學宦無成歲月遲勞生且復事園師閒鋤東陌分瓜種不  
咏南山落豆其遠志何妨爲小草芳蘭也許並江籬風風  
雨雨年年事手把長鑿有所思

橘刺藤梢儘可修竹籬茅舍甚清幽愚公有道遺孫子莊  
叟何心問馬牛晚食漸於粗糲習短衣曾被綺羅羞教兒  
且復安迂拙一落人寰詎免愁

癡男失學任躬耕養女聰明且慰情只憶牽衣哢笑好那  
禁接踵送將行貧甘薺味毫無願老息機心百不營獨羨  
朱陳婚嫁好每儲瓜果待歸寧

小姑新婦總宜家偶學窺園玩物華蘋藻躬親和鼎俎羹  
湯手作洗泥沙一門偕隱文焉用五十無聞計屢差身值  
太平閒日月不妨貧賤足生涯

次韻賀唐陶山自奉賢至吳江任

輕舟渺渺返重湖宦轍全如調水符莫誤陽鱗探候更仍  
將竹馬當前驅攀帷一笑非新婦握粟由來舊壯夫多少  
長官慚對面路旁人有捋髭鬚

病吟

少年幾日忽成衰卻老無方可訊醫軟腳病深全倚杖扶  
頭酒醒強哦詩畫圖曾寫青門志原注子曾  
有種菜圖生事惟應白  
髮知短棹闔門卽歸路楊花飛雪舞晴絲

歸楚留別吳門親友

檢點流年也應歸不同官好受金鞭趁船幸有陸雲便僱  
僕會無徐甲依原注時方僉僕同回佳節又逢櫻筍會故山定長蘼  
苗肥恩仇未盡心先死遺恨空林薜荔衣

日日低頭仗友生東遊西宦竟無成少時枉自誇壬甲老  
大逢人計癸庚嶺上白雲天外影夢中春草別時情學仙  
聞道英雄事難得於今心太平

官逋私債費商量倘擬餘年作計償交舊情深辭假貸

詔書

恩重媿流亡

原注例許官項於奉文日地方官查明無力者豁免毋使流離失所可

早已漂泊矣

江湖誰共吟風雨山水重逢定越杭千里不須賸

皓月客星從此更生芒

行行且復重行行柳色青青出鵲城  
庶其老妻饑與渴慘  
無嬌女送將迎原注時二女俱天逝  
薄田何處虛前祿長缺侵宵忽  
亂鳴但羨牆邊雙燕子年年舊壘賀生成

吳縣尹唐陶山修桃花塢成首倡徵詩次韻

已歎驚飈捲細塵百年孤冢喜更新  
憐才未覺分今昔紀  
事無煩問土人原注巡撫宋牧仲曾修理之  
花地重回驚死夢酒天一  
別各生身原注祠中並列文祝二先生  
垂堂千樹天桃色不照泉臺又

幾春

晉昌榜首最知名亦醉何妨亦獨清  
細路春遊荒薺合誰  
家寒食落花平強藩進退身雖潔  
關節依稀獄未明好在  
形骸莫拘縛任人笑作太顛生  
原注自題詩云他人笑我太顛生

異代相思事已奇九原如作感心知丹青總付吳生手原注

吳竹壺縹帙都來幼婦詞文藻有靈留故宅縉紳無主托

殘祠後來定有傷情者不獨風流在宀司

方丈新傳白日燈結緣香火贖殘僧客來仙館生遐想法

向珠林問上乘原注僧藏法苑珠林子借閱之斷隴隔年培刺柏繚垣經

雨長交藤扶持也論真豪興莫枉題詩弔五陵

按此題印者甚多唐文彙刻為花塢聯吟稿山亦有四首與此迥別殆改作也

次韻答錢七眉二

形影相隨已二月高談雄辯雅無論已知痛哭非關酒但

覺揮毫動有神裘馬運移公子瘦寶刀燄落長官貧那禁

更有天涯別繡被生寒獨耐春

新霽

南園雨過綠蕭蕭也強山妻種豆苗  
舉案時添蔬食樂開觴同惜鬢絲凋  
孫能問字增煩瑣兒不知書太寂寥  
與子卑棲如燕雀緱山何事問吹簫

再題種菜圖

天涯無處得安廬晝裏江山借一椽  
結想定逢窮鬼笑此中難與外人傳  
上書北闕身無用卜宅南邨昔有賢  
同學輕肥半京洛欲嘆誰寄草堂錢

削木雙撐華篠門恰如槃戟建爲藩  
淵明松菊何年補仲蔚蓬蒿聊自存  
耕鑿以來餘此地饑寒從古怨王孫  
好花莫逐春流出怕引人來費較論

鄰笛

蕭騷無限古今情  
嘹亮誰家入拍聲  
風月一天飛不定  
小樓閒倚最分明

鄧縣丞奇逢

四首

奇逢字稼軒祁陽人方侯鴻博獻璋之子以優貢  
充正藍旗官學教習歷官長沙府學訓導遷江西  
南城縣縣丞有幽風堂詩集稼軒名父之子官訓  
導時秦小峴侍郎方按察湖南善化訓導則孫石  
溪也嘗同遊嶽麓題名北海碑陰亦名流也

中興碑

峭壁誰先龍鸞書歷劫寶貴猶璠璣斯文盟主不可作憑

弔空閭千載餘興衰何代更覆有有唐舊案堪歎妖環  
胎禍動鼙鼓逆奴悔不先誅鋤二十四郡盡風靡會皇蜀  
道乘鑾輿不識平原作何狀乃使八萬慙哥舒恢復大業  
起靈武奮臂一呼麾千旗紫袍迎奉上皇帝倏忽淒涼南  
內若事難天幸論亦允差令宗社免爲墟煌煌頌詞勒湘  
澗磨崖大筆高黃初摩挲古刻凜忠義擬搦百本懸山廬  
焚香豈但追筆法毫端洗淨漲墨豬

浯溪竹枝詞

渡香橋畔草離離山雨蒙頭客打碑都向中興來酹酒藤  
蘿蓋瓦弔荒祠

磨厓高插與天齊鏡石空山綠黛低浣女漁舟分遠近湘

江人影界東西

書辰作夬筆鋒寒波磔能令水怪安幾輩村童不識字但聞人道柳都官

孫訓導承恩 七首

承恩字予孜一字芷隣澧州人以廩貢肄業太學歷官武陵益陽訓導有孫芷隣集十一卷芷隣居京師久與曾稽章學誠實齋友朱竹君學士嘗稱之爲序其詩草里居則與茶陵譚立齋學博定元善有零陽合草今閱其集五言如山谿春夜雨村路語歸人霜色催涼月鐘聲送夕陽七言如倦馬馭人投破驛寒天吹雪暗高原巫山落日裏王夢

汾水秋風漢武詞語多清雋可誦

望夫臺

翳翳苦竹叢迢迢傷遠別竹葉紛如絲心緒那可說陟彼  
望夫臺鏡石淨冰雪夫君苦征役之子抗亮節山石何磊  
砢江月何皎潔月亦有時虧石亦有時裂寸心終不移憂  
來無斷絕塞上青春闌江干芳草折日暮歸未歸嗁盡杜  
鵑血

牽牛織女星嗟爾太差池僅此一帶水終年不相知而况  
新婚別萬里以爲期葛蘿蔓不長菀絲弱難持輾轉如夢  
寐君子行何時祖龍毒四海白骨委邊郵望夫臺畔女愁  
思當告誰轉蓬離本根一任飄風吹有石瑩如鏡有竹刺

如絲竹爲喉煙落石爲照芳姿芳姿何須照畱取照相思  
和囊公聽松樓韻

鱗鬣翻濤松雲青松子吹落讀書亭我倚長松招飛鶴手  
把一卷相鶴經高言主人誰敵手古誼炯炯如疏星何年  
便當控仙羽與公共煮千歲茶

薊中秋望

高秋極目晚茫茫風物迷離憶故鄉雁入衡峯天共遠雲  
來關塞夢俱長平沙古道空征馬野店疏林半夕陽牢落  
三年湖海客欲從何處辨行藏

閒心

閒心最愛陂池好每到池頭總忘歸向晚秋風吹藕葉斜

陽腳底鷺鷥飛

譚丈雱山至零陽

拄笏看山興未頽  
綠波春水買舟來  
道裝鶴嶼何人識  
石上松花一夜開

訪僧

爲有清規百丈深  
葛衣團扇許重尋  
老僧入定山門寂  
一樹梧桐曬午陰

唐涇州錢三首

錢字又彭號竹泉  
善化人陶山方伯仲冕之子  
歷官甘肅古浪丹山知縣  
涇州直隸州知州有八百  
軒近體詩藁

春日過灞橋

橋痕畱漢月孤影照唐碑  
熱客誰攜屐勞人偶賦詩  
跨驢曾此地側帽又何時  
卻喜春歸早虹梁日度遲

春日蘭州雜詩

人家多穴處彌望綠陰繁  
閉戶看蠶蛹條桑問水源  
濃煙生棘舍遲日映花村  
樹色青如染扶疏正繞門

遍處多回衆牛羊就野泉  
胡笳連夜起羌笛隔溪傳  
跣腳千山外纏頭亂水邊  
皇威今遠被蠹爾正安然

鄧巡檢奇焯一首

奇焯字瞻堯祁陽人方侯鴻博之子官武昌白湖

鎮巡檢

浯溪懷古

我家浯溪冰雪窟日聽浯溪水幽咽幽咽泠泠韶蘓聲洗  
出浪郎心膽冽高文老筆鳴球琳事關君父敢輕心更乞  
太師得意筆點畫波撇兼南金上元文成大歷刻千春谿  
水沈雲黑人生不飲漣淊泉石鏡照寒肝膽色亭臺不驚  
溪不枯岵唐石尙存故吾卻笑柳州太狹猶谿池邱島皆  
爲愚

張主簿宜尊一首

宜尊字少伯安鄉人歷官桐城北峽巢縣柘臯廵  
檢如臯主簿少伯工畫喜吟官柘臯時自營生壙  
於巢湖之側種松十萬株環以梅竹與湖光山色

相掩映暇則坐臥其中作畫賦詩其風致如此余  
嘗遇之安撫署中爲余作南村耦耕圖筆意甚妙  
詩不多見偶記其題畫絕句一首亟錄於此少伯  
無子未知身後果能歸骨於柘臯否也

自題柘臯別業

三閒茅屋千竿竹一塢梅花十萬松生作寓公死便瘞  
夫原是柘臯農

譚訓導卓一首

卓字墨溪自號安翁湘鄉人以廩貢官新化訓導  
乞養歸安翁性坦率博雅好談諧余初隸於學時  
翁方爲官師歲一再見寒溫外無他語也茲從湘

鄉志見其乞歸詩一首聊復存之

乞歸

楚雲飛處念吾翁  
翹首瓜廬想像中  
歸興濃非因客久  
宦情薄豈爲官窮  
承歡敢學斑衣舞  
養志還驚白髮同  
此際諸生休悵望  
行蹤早已類飄蓬

楊同知世福

三首

世福字祿田一字壽霞新化人歷官河南陳州府  
通判開封府同知壽霞生而穎異左目有重瞳子  
早歲棄舉子業遍遊南北嘉慶初以軍功議敘得  
官所至皆有聲詩不多作今從其子代郡之請爲  
錄二首以志其概

旅夜

壁暗蟲聲碎窗明月影團關河千里隔風露一天寒人與秋俱老更隨夢共殘敢云民事迫未曉趣征鞍

題畫秋景二首

金粟光中滿月雁皤皤小几韻書窗酸寒不是尋常味莫聽黃鸝誤挾雙香橡

休將風味入園蔬功用曾傳肘後書若向東陵訪消息料應投贈比瑯琊木瓜

方巡檢鑄二首

鑄字竹生巴陵人官遷安縣建昌營巡檢有竹生詩草一卷竹生名家子屈爲貴郎能於其職道光

辛卯遷安大饑最先創議捐振全活甚衆以憂歸

卒於家

送稼軒姪大淳計偕入都再疊其見贈原韻

何須桑視鐵磨穿文幟真能敵許燕伏案經年不出戶著

書深夜每忘眠

自注姪住署一載閉戶讀書每深夜不輟

家聲振起惟吾子科

第從來貴少年此去長安應得意春風走馬杏花天

爲憐癡叔無長技遽欲扶搖萬里程

自注姪贈詩以遠大相期盡瘁尙

難求稱職菲才何敢盜虛聲一官秩久甘人後畢世心嘗

向汝傾儻得青山容退步不應五斗戀蝸名

方縣尉錯一首

錯字鐵江巴陵人官南昌縣典史

見漁者有感

風波世態身偏穩  
雲水生涯夢亦安  
何事世閒聲利客  
回頭必待急流灘

沈湘耆舊集卷第一百六十一終

沅湘耆舊集卷第一百六十二

新化鄧顯鶴湘臯編輯

湘陰左宗植仲基校訂

吳處士登鴻十五首

登鴻字麗譙別號笠樵湘潭人有蓄釐山樵集原  
上草其自序謂自學韻語夢太卜人爲卜遇賁之  
同人遂聚而投諸火嗣是小悟則小火之大悟則  
大火之其曰原上草者蓋取樂天野火燒不盡之  
意云爾今閱其所謂蓄釐集原上草者篇帙尙多  
未知其所拉雜摧燒者又居何等也

雜感

涼月不到地流光正徘徊初上長松梢漸佇茅簷隈疏鐙  
耿虛壁房櫳遲未開網絲罥瑤席寶鏡昏浮埃落花辭故  
枝川流無重回唧唧暗蛩鳴噤坐心爲摧

枯桐爲風所拔歌爲蔡一峯賦

嗚呼者風胡不自南不自西不自東昨夜撒捩從北來吹  
墮潭城廢苑枯梧桐發掘根株二千尺莽曠僵臥青虬龍  
霹靂行天電光劃四廳洞苦添青穹洞庭山人蔡一峯道  
旁叉手能鞠躬謂言此樹勢飛動立壓薶粉填虛空阿母  
走藏老妻叫嬌兒嘸我心忡忡長繩百丈不得拽干莫鉛  
利誰爭鋒原注樹屬骨弁欲拽輒阻銜哀籲禱若有應母乃呵護勞天  
公我聞此語三歎息我事雖異理則同祖堂十世神仙宅

義對上博金泥封

原注余住宅歷十世上爲神仙嶺前而神仙橋先祖南岡府君自號神仙中人

三世祖出私粟萬斛振濟封義官

平泉木石遺語在况敢臥榻售青銅近

爲長蛇肆吞齧半江秋水裁吳淞出聞屠牛入屠狗晨起

擊鼓暮擊鐘老父惕息寢不帖宰官仁恕難爲功眼中之

釘何日拔欲叩闔闔騎箕鴻鳴乎汝廬吾廬亦細事俯視

何啻雙螻蛄拜乞老天日著恢恢眼盡鋤巖險歸平通

### 溪山

溪山杳無際松影尙垂陰秋色澹如此斯人何處尋憶隨  
流水遠曾共夕陽深淒絕廣陵散冥冥成古今

### 入曉霞山

細路入孤峯摩天青萬重不知何處寺遙聽一聲鐘久欲

窺雲海條然蕩此胸請今回首望七十二芙蓉

五日肩輿行雨中卽事次翰川梧臯贈別元韻

二月春風美滿吹刺蘼花下獨來時卻攜康樂尋山屐去  
結靈均續命絲百尺行雲生洞腹一天涼雨上吟髭燎衣  
暫憩雞聲店笑起挑鐙作和詩

畱田雜感

家住溪流九曲前對門橋亦字神仙

自注溪流九曲家山入景之一

玉缸

春釀長腰糯沙舫晴登繡項編一自下簾終日坐祇今望  
月幾回圓海棠簇簇紅無主應繞寒閨落照邊

夢爲蝴蝶亦蘊蘊設向西河賦索居赤日漸升風到少珠  
簾不捲燕來疏廣徵天上無憑事遍買人間未見書攬鏡

胡盧成一笑吟罷新試二毛初

紙帳搖風睡未酣夢魂先過落花潭柳方作絮吹還起蠶  
到成絲死亦甘誰識淵明須入社本來彌勒與同龕中年  
陶寫渾無地深院黃雞唱已三

石角頽垣日上遲牽牛花下酒醒時書難盡讀何妨問事  
不能言止有詩願與樂天爲老嫗且教秦系帥偏師凌空  
一笑悲風起萬里蒼雲已四垂

菰蒲風外綠雲平盡日前窗擁鼻行烈士暮年王處仲江  
關詞客庾蘭成買充近侍惟魚婢終羨神交是麴生記取  
電光迴閃後龍鍾雙袖淚縱橫

獨坐羞將短鬢搔終須痛飲讀離騷山中巧婦炊無米海

內詞人刺有手每愛陳平供草具翻憐范叔憶綈袍清風  
漫遣黃埃起捧土猶培太華高

翰川小集寓齋聽雨感懷

曉風吹淚灑汨流湘上擎尊感舊遊山雨平沙王莽戍自注  
花石戍王莽屯兵處亂帟斜日馬殷洲幾人陌路能青眼回首天涯  
易白頭珍重西莊王給事倚樓煙雨不勝愁

斷岸

斷岸垂楊水亂流清溪真爲次山留雨聲到枕難成夢風  
力掀簾不上釣酒渴例須憐雀舌春寒方悔典羊裘乾坤  
老大花蕭索知負花前願未酬

輕陰

漠漠輕陰弄晚涼孤鐙縹碧月昏黃  
甘蕉傍砌淒於雨苦竹籠煙綠過牆  
杖影愛巡花匝鈴聲似笑客郎當清風  
紙閣蘆簾外一枕離魂兩鬢霜

深院

深院寒飈恰二更杯盤狼籍語縱橫  
離魂不共殘鐙爇臥聽蕭蕭折竹聲

何國子官麥 九首

官麥字莆田湘潭人國子生曙亭大令光晟之子  
屢試舉人不第爲人司記室所至恆盡室以行好  
爲詩矢口卽成有詩萬餘首毛青垣力爲刪節得  
若干首屬余存之莆田妻雷玉映亦能詩與倡酬

甚多

荒畦

廬西餘隙地榛莽久荒蕪縱橫闢畦畛取次一荷鋤芟薙  
苟弗懈滋蔓亦易除栽培詎云勞雜植豆與蔬引泉點澆  
溉長養生意舒往昔固所棄今茲成膏腴會心良自得爲  
學理不殊力田乃有獲勿使耘耨疏稍閒茅塞生沃壤化  
荒區造化無棄材成毀固何如

述古

楚相亡寶玉張儀受鞭朴須賈返自秦范雎遭荼毒英雄  
困風塵難免窮途哭一朝假羽毛升沈如棋局身受百已  
封坐致萬鍾祿小忿不可逞深怨誰必復不見淮陰侯未

報脢下辱

孟嘗客馮諼平原士毛遂彈鋏別無長處囊了不異紛紛  
燕雀羣邯鄲鴻鵠志壯夫濟時艱絕有過人知賢哉魏公  
子乃從賣漿游風塵有奇士當于格外求士爲知己死古  
人良有以知伯遇豫讓報恩直如此

田光見燕丹刎頸薦荆卿侯生羣年死云送信陵行千古  
激烈士動輒棄厥生苟可厲薄俗視如鴻毛輕揆義若無  
關虛矯身後名君子執大綱皦皦無過情死固不足愛身  
殺仁可成嗤彼尾生愚徒爲抱磴磴

身隱焉用文古人懷高尚姓名且不傳徵聘何由訪末世  
競推許捷徑終南上當其未出山翕然蒼生望名盛實難

副虛聲易蹈謗不見洗耳徒坐致天下讖

萬樓夜歸

江空暮煙起天水相與昏曠野寒氣肅風捲雲疾奔疏林  
一鐙明犬吠林外村歸人乘微月緩步叩柴門山妻知我  
飢炊黍溫殘樽客去我醉眠清游縈夢魂

深夜

深夜因鄰寂虛堂背古城江昏收雨氣風急變秋聲偃蹇  
雙蓬鬢淒涼一短檠寒蟲吟唧唧似與訴離情

書家書後寄聯兒

連朝羽檄走雕鞍戰後郊原血未乾誓以此身埋馬革尙  
餘殘喘累猶肝孤城勢已同巢幕野老心甯異守官寄語

家人休涕淚尺書先爲報平安

出龍漫興

雲山迴抱水彎環一葉扁舟出此閒骨肉已判成死別干戈何意得生還可知塞馬非人料每念藩羊亦命艱歷盡風波開坦道勞人翻羨白鷗閑

艾秀才承恩

十四首

承恩字勉齋零陵人諸生有紉蘭齋詩鈔勉齋橐筆走四方爲人司書記足跡嘗在辰沅溪峒閒故詠古書懷諸作饒有氣概

朔風

朔風薄林莽寒月照江臯抱此冰絲絃孤桐心半焦守拙

良獨難抑知巧更勞我欲希長生空山無靈苗蓬萊不可  
望青鳥徒嘒嘒中夜萬籟寂雲淨天爲高

### 秋居

堦前面高山園後植修竹先人畢生勞遺此數椽屋無田  
可備耕有書時一讀謀生拙言辭爲農昧五穀矧乃妄營  
求不學而干祿不辱與不殆斯言願佩服所以先君子敝  
廬銘也足

甲戌八月客醴陵署偕同人過淦江橋用工部何氏  
山林韻

秋氣清如許閒吟渡板橋天光澄遠水雲影蕩重霄突兀  
山微瘦遨遊侶共招隔江青繞郭石遙望迢迢

路轉峯迴處，幽思分外清。  
晚田閒臥犢，衰柳不藏鶯。  
菊豔東籬酒，萸香野圃羹。  
小橋流水外，何異畫中行。

古剎荆榛滿，樓臺半不支。  
水痕環敗壁，楓影落荒池。  
露冷霞初老，秋深葉漸知。  
晚煙寒樹外，縹渺白雲披。

蔣公祠宇舊，千載薦馨香。  
暮雨靈旗捲，西風故劍涼。  
山川餘壯烈，戎馬露昂藏。  
故事何須辨，雄風嶽色蒼。

自注謂翁公故址在

### 伏波祠

伏波遺廟俯青浪，舞榭神雅趁夕陽。  
銅柱祇今留絕域，雲臺獨自避椒房。  
薏珠空復譏交趾，馬革猶思裹戰場。  
惆悵壺頭功未遂，武溪嗚咽水湯湯。

武陵至辰陽道中

武陵西去入牂牁，仗節曾煩馬伏波。  
洞過桃源靈秀少，溪經瀘水毒淫多。  
空林夜月嘒山鬼，寒屋秋風挂女蘿。  
銅鼓聲中征櫓遠，不堪潑楚是蠻歌。

威名蜀相緬遺蹤，箐道城關百雉雄。  
古寺徑盤危壁上，沿溪人住半山巾。  
漁梁水落霜初白，獵火林深夜正紅。  
側耳戍樓愁不寐，角聲悲壯五更風。

鎮筸道中有感

驅車峻坂歷千盤，仗劍悲歌行路難。  
鳥道人蟠雲裏下山城，天入甕中看角沈。  
遠塞陰雲溼楓冷，嚴關落日寒投筆。  
不須懷定遠，太平時節重儒冠。

三苗往歲煽妖氛，幾載勞師羽檄紛。  
卻憶先人曾橐筆，遠來絕域賦從軍。  
於今蠻徼消兵氣，何處鄉關隔暮雲。  
敢望勒銘崖壁上，尋看戰壘悵斜曛。

浦市旅夜

鞭絲帽影晚風晴，歷盡崎嶇意轉平。  
銅鼓雲深諸葛壘，馬鞍山接伏波營。  
仙人絕壁巢爲屋，蠻女新絲販入城。  
醉裏不知邊徼遠，臥看星斗到參橫。

舟行雜詩

遠浦微風生疏林，夕陽挂倒影亂山。  
來飛湍空翠瀉，水清石瑣碎村遠。  
樹模餽何處一聲笛，瀟湘秋有無。

石秀才湘筠

十五首

湘筠字竹生湘潭人諸生有懷隱廬稿竹生家貧  
傭書自給嘗客湖南提督仙鶴齡幕嘉慶中以代  
撰奏稿不謹同仙下獄獲遣旋赦歸仍爲人  
司書記鞅鞅以終竹生好吟成詩甚易隨手散佚  
無存稿惟晚年見余增修楚寶一書分類歌詠得  
詩三百首名曰楚詠有刊本今摘錄數首以志其  
概云

### 楚詠

樊侯饒有大臣風雅頌猶歌補闕功苦諫料民原愛國非  
非終病柳河東

仲山甫

令尹賢名四十秋毀家紓難見忠謀一言逃死非逃富賡

有繪衣與鹿裘

問子文

服陳爭鄭諸賢勞謀謚母忘一字褒城郢遺言無論已遁

師伏劍義尤高

公子貞

子木行軍代子馮克師還讓退師功尊周攘狄恢疆場都

在弭兵勝筭中

連子馮

屈建

子西慙成自公奔亂定歸休未易論謀國保身忠且智知

曾親炙聖人門

沈諸梁

黃公清亮傳遺疏伯始中庸諺尙畱好共畫圖懸內省中

卽一頌足千秋

黃瓊

胡廣

蔣費無慙社稷臣後先勲業各殊倫可憐輔嗣終無濟諸

葛成規尙未淪

蔣琬

費禕

大魁天下倅荆南詩寄師門亦美談不避惠卿安石諧科  
名風節兩無慙

馮示

彥直奇才迥不同指揮諸將亦豪雄荆襄重鎮談何易賴  
有儒生百戰功

趙力

一疏休教墜上聞乞回臣職讓劉蕡延唐遺墓誰憑弔丹  
旛山頭有瑞雲

李邵

畫像嘗聞祀蜀都煌煌治績在荆湖張未正學會親炙奏  
議文章亦宋儒

吳獵

除蛇新劫毀淫祠灼見真知事敢爲經略有方緣母訓外  
家風範况清奇

胡穎

競爭大禮泣漚如萬里傳聞早上書抗疏歸田無顧戀先

生端合燕泉居 何孟春

封王不獨愛宗社書疏還能禍子孫敢廼相聰真卓識後

來清議有公論 李騰芳

美命可堪權相扼魚山其奈輔臣憎不爲漢上投竿叟便

作靈巖退院僧 郭正域 熊開元

龔秀才製 三首

翼字輔卿益陽人諸生有輔卿遺稿輔卿居益陽之

書堂與余爲累世通家負才早卒身後無子遺稿散

佚良可憫也

讀鄧松堂先生遺稿感而有作兼呈湘皋丈 有序

先生館余邑五十年田荷塘至洪橋皆歷年講學地也

中以先高祖聘下榻寒舍家塾自曾祖以下三世皆北面迄今垂六十年矣道光丁亥夏晤湘舉丈於長沙命求先生遺稿歸搆做麓得而讀之竊念翼生也晚孤露食貧先生風範僅得之傳聞今梁木久壞而從事者亦碩果僅存教澤如新老成非舊因成小詩以志追慕質之湘舉丈其感慨又當何如也

弱齡舊傳仰前賢浣手今朝讀舊編著作百年留壘蹟

自注

先生諸稿皆手書

師資一字啟薪傳蠶魚不飽斯文枉駒隙頻過

古道懸冰口山頭竹深處依然風月講堂前

自注冰口山頭皆地名

先生當年講學處也

六十年來老屋存哲人頻此駐高軒幾行弟子分三派

自注

先生設教分經學詞章制藝為三課得其  
一者各相傳授當時有師門三派之說兩世先生本一  
尊自注謂公嗣壁園先生相繼主講此日文章閣手印當年桃李植公門  
白注先生門下登賢書成進士涵濡教澤今猶昔資水汪  
者多人遊岸序者不可指屈  
洋正有源

悵望榛苓寄所思瓣香心事更云誰記從小子趨庭日聽  
說先生鼓篋時潛谷已傳三禮業新城猶拜一家師何堪  
作傳徵先友風雨難忘手澤悲  
自注湘臯丈徵先君行實附入先友小傳

潘秀才世珩四首

世珩字楚白號方泉寧鄉人廩生有漪綠軒小草  
余識方泉於三十年前自來司鐸瀕寧方泉猶在  
弟子籍朝夕過從之語胸無窒礙而行有防檢

未易得也無何病且卒求其遺稿不可得僅從王  
潭詩選中摘存一二可哀也已

迹先訓

逝波不復回去日不復返清談易資尤況以遊宴損駑馬  
日馳驅千里循運轉驂馳鞭策抱志徒高遠人生僅百  
年勿歎噬臍晚達哉古哲言壯士苦日短

讀書不成名尤當保素履詩書寓微意夫豈誇青紫至性  
苟不存文采增身累學問無古今勵行慎終始遇合有窮  
通大道無彼此

峻坂少逸馬平岡時覆車險夷豈無定世路多不虞志滿  
意先解樂極憂與俱至人覽元化終古留其餘

秋感

白日竟何意西風吹不休客愁如落葉雁到已深秋壯志  
看雄劍高歌付酒樓十年無定業歲月尙淹留

鄒秀才道聘

五首

道聘字莘耕新寧人諸生居夫彝江上嘗受詩法  
於礪東晚始識余長沙旅邸窮老多病不能辦歸  
裝余資之行未久卒於家遺命屬其子負詩四卷  
遠來投余余感其意爲錄數首入斯集此外佳句  
如落花云煙愁雨泣新嬌別月落參橫好夢醒自  
笑云病如朋黨膠難散錢似狂夫去不歸漫遣云  
怕牽氣喘吟聲小偏到囊空酒興豪歸來云長物

只餘三尺劍，籬籬仍掩半扉柴。答友云：人爲聰明多折福，胸餘塊壘不嫌貧。贈杭友云：懶尋蘇小原同里，愛看江湖恰到門。出語皆有風致。

奉寄祝與亭廉訪

綠陰深處近如何？自在廣西臬署西偏多古槐樹與亭額其室曰綠陰深處曾與諸公共嘯歌。舊病喜同殘暑退，新詩每到早秋多。坎蛙耶識江湖大，松鶴閒隨歲月過。慙謝使君頻問訊，擬將蓑笠老煙波。

書觀音閣壁

漁峯山下是吾家，偶入山城怯路賒。托鉢有緣僧供養，空山無伴鳥喧譁。猪肝豈爲清貧累，馬齒無妨歲月加。如許

清懷何處去  
隔窗斜月照梅花

落第奉簡鄧湘阜先生

五十年來一夢餘  
題橋空又擬相如  
卽今富貴猶嫌老  
况復窮愁懶著書  
生計已成鑽角鼠  
名場才似脫鉤魚  
何當買屋金峯下  
雨笠煙蓑手自鋤

西城

西城已興楊雄宅  
南畝新遷陶令家  
寄語諸君休剝啄  
而今身世落桑麻

全家

全家寄住碧蓮花  
路向蓮花深處叉  
兒爲輸租進城去  
連朝阻雨未還家

黎國子光地 十一首

光地字環齋益陽人國子生著有雪膚山房初稿  
今吾集余不識環齋早歲往來資陽聞有人誦黃  
河句云流到此閒凡幾曲待他清日已千年不知  
誰詩後以語陶文毅公云此必黎環齋語也嗣余  
官瀟西環齋以書投余且寄其全稿求序則渡河  
詩在焉詩凡十餘卷未及爲之商榷序行而環齋  
死矣環齋工近體文毅曾序之稱其詩多蕭閒自  
得之趣如人賴病將雙足欲天教貧得一身閒一  
春臥病人初起滿地落花君獨歸茶煙忽向竹中  
出山雨有時溪上來杉皮屋小蒼苔澀石骨秋寒

老樹斜江村犬吠月徐上野寺鐘鳴船早開隨舉  
數則皆吐屬自然環齋旣死其家索其稿去已摘  
錄數首入資江集矣今復選登是卷非獨慰環齋  
亦以志余過也

秋夜感人

柴門鳥雀歸犬吠孤村夕暝色入簾櫳疏星過簷隙山中  
夜氣清露莎草光碧惟聞蟋蟀吟秋聲滿空壁渺渺愁孤  
懷相思見顏色梧影落閒階月上窗逾白

中秋夜簡謝雲槎明府

夜色明如洗長空碧欲流故鄉同此月客路忽中秋絃管  
當筵沸梧桐小院幽庾公清興極何處獨登樓

九日渡琉璃河

年光飄瞥任蹉跎，曾記春分此渡河。  
鄉思漸於秋後長，重陽仍是客中過。  
黃花白酒心同醉，南雁西風晚更多。  
便欲登高發長嘯，由來燕趙足悲歌。

廚人告米盡戲簡雲汀太史

曾說長安不易居，一囊方朔竟何如。  
賴因邠老催租客，頻寫顏公乞米書。  
饒我有文都菽粟，輸他飽死獨侏儒。  
那知申叔呼庚日，陶令饑驅酒亦除。

自遣

東風吹綠柳千絲，每日溪頭坐釣時。  
新水一竿魚漸長，斜陽半樹鳥先知。  
算來貧賤是清福，除卻性情無好詩。  
消受

癡頑何處是花階  
月地獨行遲

生日

蟻磨跳丸寄一漚  
百年駒隙影空留  
恆沙國土塵爲界  
杯水功堂芥是舟  
剛道眼能高四海  
不知心已愧千秋  
請看五尺摩挲獨  
抵死人閒總未酬

一邱一壑雨情依  
潘令閒居願總違  
可信百年成大夢  
誰言寸草報春暉  
吟殘脫稿餘詩幾  
病起梳頭感髮稀  
回首天涯遠遊日  
山青雪白苦思歸

溪上

輕衫短策趁春閒  
草長平蕪綠滿灣  
恰有橋通煙外店  
更無雲掩雨餘山  
誰家新燕同人語  
一任流鶯笑我頑  
如此

風光渾領得不妨著向畫圖閒

銅雀臺

金人淚墮炎精歇銅雀臺荒霸業空未了雄心餘片瓦至  
今隄柳怨東風漳河流水去何盡春岸野花開自紅蜀殿  
吳宮等淪沒三分俱付笑談中

偶書

客散柴門冷似冰堦苔長護綠層層異書相對亦良友矮  
榻獨眠如病僧樹黑誤應天欲暮月明值得夜無鐙庭前  
試撥松閒露鶴夢初酣喚不應

春陰

竹霧茶煙黯未消春陰漠漠野蕭條東風盡日不爲雨吹

送楊花過小橋

畢布衣石礪 一首

石礪一字瓊珮名不傳新化布衣有詩才爲吳蘭  
柴翁所賞

古意

天荒地老不勝悲海女江姝隔夢思終古人才成畫餅百  
年世事竟殘碁買山北郭逃支遁促柱南郊壽啟期竟日  
酩酊天不管漫愁名姓被人知

朱布衣鵬 二首

鵬字南溟湘潭人有念先草堂詩稿南溟爲荔堂  
明經怡典之子工書以篆隸名詩非其專業也故

止存二首

巴陵歸後羅靜渠寄詩慰問依韻答之

忙中日月賦閒居半載流光逝水如對酒那能忘世事  
埽花猶自愛吾廬親交去後還臨帖兒女來前亦讀書  
贏得貧家饒樂事勞君問訊感知予

武林繆趙仙見訪卽贈

賤賣文章本不堪飽嘗世味况非甘梗蓬無意偶相值  
風月與君聊縱談古有范雲知孝緒今無謝向識羅含  
共來百粵音書滯何日歸營荒徑三

李秀才光緒一首

光緒字雲枝湘潭人廩生有花橋小草雲枝性兀

傲寒負好學年三十竟以窮死羅研生以其遺稿  
來誇諄屬爲採擇且稱其人品實高於詩爲錄一  
首以抒其人

碧桃花

褪盡紅綃絕點瑕一條冰上想清華曉風吹化瀛洲雨晴  
雪飛迷洞口霞天上瓊葩難度種塵中蓬鬢易生花鵲袍  
和露探何日孤負烏紗帽影斜

沈約集卷之六十二終

沅湘耆舊集卷第百六十三

新化鄧顯鶴湘臯編輯

湘陰左崇植仲基校訂

陳蘭莊圭 二十首

圭字蘭莊攸人廩貢生官華容零陵訓導有秋水  
山房詩鈔蘭莊與吾邑孫石翁友善其自序云生  
平言詩得力於同里王念亭先生其言云詩乘元  
氣而出渾渾灑灑有自然之音響節奏如大海回風  
波瀾自湧春雲出岫舒卷自如故感於物而有言  
言之乃足以感人乃有當於風人之旨退取所嘗  
竊誦潛心靜思淵乎微乎抑又苦矣迨出而與當

代雄俊君子上下其議論終無以易吾先生之言  
其言如此則其詩必有專詣今念亭之詩旣不得  
見僅從方志得其五律一首無由窺測蘭莊詩多  
詠古作又別有賦物近體一卷殆以對仗工暫自  
喜求其所謂淵乎微乎者亦未多見也其詠古諸  
作如始皇云死爲世結坑儒局生與天終戰國場  
項羽云父老竟羞生面目故人誰惜死頭顱周瑜  
云亂世英雄能擇主少年才略動如神岳忠武云  
南渡有天常半醉兩宮如水不迴波淮陰云垂死  
漫驚兒女詐平生原授帝王猜毛遂云處囊雖後  
三千客成事徒驕十九人李衛公云老覺鷹揚周

尙父生憐駒隙漢留侯馬希範銅柱云書生銘筆  
千秋壯上將軍麾五代雄綠珠樓云石家歌舞成  
奇節晉室衣冠讓美人此類甚多至賦物諸篇多  
村塾纖巧小題尤可不作也

雜詩

元氣蘊天地發爲雅頌音志士奮逸響不作秋蟲吟梯山  
莫言高航海莫惜深古風吹太素異香生我襟常恐歲華  
暮蕭瑟依空林試將絃管調一導和平心

幽蘭懷素心託根湘水側但凝風露香不爭桃李色春陽  
本無私萬卉同一植葳蕤洲渚閒蕭艾方填塞客從遠方  
來停撓三歎息江上送君歸日暮情何極

七雄戰爭時口舌博卿相秦火猶未燔詩書氣先喪古來  
賢達人尊已廟所尚富貴不可求功名焉足仗君看魯仲  
連飄然東海上

半截松爲李錦巖居士作

寫松須縱筆撐突見高節茲誰老禿爲精色入硯鐵豈伊  
風輪過忽施鬼斧截此髯半盤雪鶴蓋全假雪鳳巖元氣  
縮礪石煇結頑體百尺圍厚地一丈裂猿猱枝上攫龍  
虎根下抉女蘿不取附仙脂自可啜獨存正直操老且風  
霜聞雷雨時祥句鞭電歛閃掣孤危世所忌擁腫匠乃劣  
和嶠善養晦陶潛詎藏拙然三徑中腰脊肯一折不露  
顛末材斯真棟樑傑畫手蓄此意偶向尺練洩靜者乃歸

之迎晞歎奇絕

案歸巖名幹端友居士之子父子俱有名於時端友詩略見集中歸巖竟無一字可采矣

秋懷

貞士惜妄營懼以干吾性秋來風露清炎燭一以淨萬物  
有顯晦隨時安其命天空羣雁高木落千山靜采采黃金  
花何人共腸詠

紫陽山僧房題壁

古刹摩蒼穹浮雲起幢蓋棱棱石磴聳鬱鬱松陰靄我從  
六塵來寶殿參三昧亭午一聲磬天空靜百籟鼻端開妙  
香胸中絕纖芥老僧亦無言送我出花外何以鎮山門  
詩代金帶

沙州耆舊集卷之十三  
零陽入鄉曉發

未明戒僮僕飽餐星月中行李未載途客心隨飛鴻出城  
晞遠村宿煙青濛濛臨水一葦航興輕如御風已行十里  
餘殘夢猶未終羲和鞭晴曦飛光來天東

雜詩

淳源日澆漓人心競華靡寒門學豪家踵事何窮已憶我  
童丱時不識紉與綺文繡被牆屋年年徧鄉里歲豐昂市  
物山高盡疆理人滿廚廩貧盜賊所自起萬言賈傅策干  
秋班生史

孫廣文蘅皋雨垞桑下書屋次韻

桑下書屋小如船桑下先生時安眠天公忌人飽經籍特

地似作大瀾天晴傾壁圯通街口禮鼠驚鼠蟬魚走先生  
坐隱東偏閣但問書巢無恙否恆沙小劫不足數見我大  
笑伸眉語且試茶槍水味甘不作陞楯雨立苦屏翳累月  
侵背耶城中高枕能幾家沿江村巷蛟龍宅洪濤大波方  
無涯江離南芷風騷國不見東風起春色杜陵廣厦千萬  
間豪情須破書生格

書徐別駕香莊鎮筩平苗紀實卷後

五溪之水聲嗚咽流出千人萬人血鐵脛鏖耳蟻蜂屯戈  
戟驢駢風火烈鎮筩孤城危莫當誰其守者徐香莊甲兵  
十萬胸中出排碣奪卡如驅羊前後三年經百戰身受重  
創色不變上馬殺賊下賦詩劍鋒筆鋒皆雄師衛霍營門

露版馳別駕旌庸 天子知炎風唐日四邊靜土元展驥  
今其時哦松官舍松風肅終日雲煙過君目抨弓力盡手  
猶抵擐甲身閒髀生肉我來相訪蒸湘濱畫禪書聖亦驚  
神往事經過日已久紀實一編心自剖牀頭寶劍括囊口  
時時尙作蛟龍吼

登拱極樓

騰身飛鳥上天影四圍看人語響空碧江心生暮寒雲開  
三楚地風掃五溪蠻歲晏應聞捷斜陽同倚欄

自江時楚  
西方用兵

霜夜獄麓卽席次熊山長學橋先生韻

夜永清如許月華天又霜四山空鳥跡一水澹琴牀人愛  
鬢眉古詩爭骨氣蒼龍談千載事花影上中唐

湘江夜泛

空江人語響放艇任風行但見暮雲合不知新月生鷗羣  
沙上白蘭氣露中清擬就浯溪宿時時問水程

秋日送楊廣文梧岡歸里

黃葉秋山下霜天色轉濃芙蓉七十二歸去住何峯峭壁  
石雙立千亭雲幾重他時岳南過同聽一樓松

訪徐倬湖

炎天居士靜江市旅清閑蟬響柳邊路雲歸湖上山花因  
迎客放門爲讀書關杯茗談方罷清風滿座閒

雨後同友人集飲唐匯東宅晚遊白沙泉醴陵坡

回首湘天豁南湖罨畫閒綠穿當澗竹青見過江山甘醴

沙中水叢祠嶺上關一春無好會今日始開顏

輓彭湘南先生

據經樓上捋吟髭想見賢王禮下時

自注先生久客

兩鬢

雪霜爲客老一船書畫到家遲生前意氣杯中酒死後聲名卷裏詩他日仙山埋骨處秋風秋雨長靈芝

官陂訪劉居士勉南

天風吹我上崔嵬花擁肩輿一徑開仙嶺白雲晴似絮官陂春水綠於苔高人恰聽鶯聲去好客纔從鳥道來吟倚夕陽親劍咏古香飛出亂書堆

登潭州西城

沈寥天氣曉風清放眼湘臯空翠明極浦有洲知水落殘

秋無雨看雲生徵兵又下中軍檄破賊誰敵別墅杯自愧  
閑曹一匏繫漫尋幽夢上高城

夏日登萬樓與徐倬湖劉梅莊限韻作

涼逼天河秋未遙御風身入逼雲霄回湘勢抱孤城立倒  
彭山看衆木搖興極好呼江上酒吟餘還聽月中簫萬家  
燈火清華地有客題襟不待邀

龔雲濤立海二十五首

立海字柱君號雲濤巴陵人貢生有垂雲山房詩  
集雲濤嘗同其友黃伯良本騏應聘修郴州宜章  
志有郴嶺紀遊詩晚歲與余同客桂林其詩於前  
後七子及國初諸家多所做效殆以才氣雄麗

自喜者歿後無子家凌替甚其集不知存亡矣

碧落洞

螺舟艤琅石籃輿入深谷連山雨氣沈緣村水勢曲洞壑  
做清幽豁訝闢蒼玉有厂復有堂爲圓爲大腹鐘乳纓絡  
垂寒泉瓜瓢綠眞境書到難攀窠傳玉局瑤鑄紛元宋公  
等殊錄錄旁室古雲華窈深媚幽獨清冷石髓滴嵌空冰  
柱矗間昔仙人居蟬脫此棄俗金芝與瑤草懸巖皆可勵  
我意從之遊鳥跡書頗讀縹渺御風行免作轅駒促

題秋江圖

江天無片雲茫茫秋一色菰蒲晚作聲漁村已向夕輕舸  
出浦遲半篙蕩寒碧浩歌蘆中人煙波渺無極

登嶽麓遊雲麓宮

曲磴歷陂陀青蘿挂芒屨松杉一徑陰落葉紛無數鼓勇  
復登陟雲與人爭路天風鳴耳際孃孃疏鐘度紺殿出蒼  
碧鐵瓦森參互始知所歷高放眼天一曙南眺祝融峯寒  
岑寸碧露一雁帶秋來暝色遙天赴孤城界清湘微茫指  
煙樹長沙十萬家廣廈幾人具我無治安策焉問懷沙賦  
浮世野馬塵變幻隨朝暮虛堂生峭寒斜陽滿荒戍吹香  
不可挹杉庵杳何處泠然御風行又逐歸雲去

觀李北海麓山寺碑感歌

此書故佳小佻耳弁州之評吾不喜歐陽初亦有微辭晚  
好彌篤良有以雨淋日炙磨青蒼戈鋒尙作干將起銜署

陳州前刺史謫尉遵化想經此大手筆人且忌才倉皇北  
寺誰爲理旣不感恩不知已公然上疏替人死孔璋自是  
奇男子

海口觀月

海上何人吹鐵笛魚龍夜靜秋空寂金波穆穆湧冰輪萬  
頃琉璃割深碧水仙起舞珠佩寒明璫晶射鮫人宅銀闕  
金宮爛漫開眼見瀛洲眞咫尺樓頭曙色驚棲烏羅衣秋  
薄霜華積天雞未報夜生潮畫角蕭蕭天欲白

登清涼山翠微亭望江

清磬隔雲聽幽篁夾路青齊梁餘古寺天地此空亭遠樹  
波閒沒遙帆煙際停日斜山翠冷飛作雨冥冥

黃鶴樓

撫劍忽不懌來登黃鶴樓文章公等在今古大江流戰地  
餘荒壘雄關扼上游西風揚柳盡愁見武昌秋

赴嶺南九日登舟作

仗劍去鄉國浮雲五嶺通遙天墮遠水大壑聚秋風節物  
頻驚晚文章恥救窮銜杯問籬菊萬里一飛鴻

夜過羚羊峽

夜入羚羊峽推篷望悄然巖陰和月墮恍影受風偏野霧  
不著水寒星搖滿天聞雞空擊楫慙後祖生鞭

梅花村步月

不作遊仙夢孤村隔水明梅花無一樹涼月已三更遠寺

鐘聲斷平田雪色清何人吹鐵笛惘恍悟前生

何客

何客識方干羈懷強自寬借書供夜坐索酒敵春寒心寂  
逃禪易時艱仗友難卻防憂弟妹委曲報平安

永興道中

吟魂驚不定奇鬼石當關驚眼蜂窠聚苔痕竹淚斑陰崖  
呼老鵲獨樹立童山待訪唐賢蹟荒榛苦未刪

到郴州

三戶人煙在荒陵落日哀邊雲橫楚塞古縣冷秦灰劍卓  
泉猶冽樓高鶴再來阮生傳百詠繼響爾何才

重赴宜章

十載高臺傍定王。秋空一雁又南翔。慚無楚典。萸雞次喜。  
有神風借馬。當入別山。疑逢舊友。慣遊人似未離鄉。不知  
郡尉當年柳。故壘蕭蕭。賸幾行。自注先都尉公會守宜章

過耒陽

客心爭與片帆馳。侯計山光入眼遲。豈有風雲開蜀道。虛  
勞酒炙弔湘纍。空江秋冷羅含宅。落日原荒谷朗碑。悵望  
古今成獨立。蒼茫吟嘯鬢如絲。

耒陽中秋

月光墮水水光生水。月近與舟同行。長天萬里直如水。常  
夜一輪無此明。靄靄空江添眼色。蕭蕭遠樹作秋聲。銜杯  
齒。莽酬佳節。忽憶家園永夕清。

江表書集卷之三  
九  
郴江

船頭雲影壓層層  
灘齧危沙岸欲崩  
山勢千盤通粵海  
江聲一氣下湘蒸  
洞猿秋嘯曹王塞  
石馬風嘶義帝陵  
不是黃牛偏滯客  
三朝三暮上峻嶒

先曾祖外臣公著作宏富久皆散佚立海於楚風補  
上得讀遺詩感泣沾襟序稱天與樓詩甚富有中晚  
之風所選止近體二十首足見遺亡者之多也

子雲著作已成塵  
天與樓頭富等身  
河嶽英靈終不泯  
文章光氣久尤新  
空存几杖思先澤  
能補風騷見幾人  
獨對遺編愧家學  
青氍毹誦自愴神

端州登披雲樓

丹雘危堞鬱隄巍煙火環城落照開江勢欲排雙塔去潮  
聲齋擁七星來珊瑚犯海通蠻貢銅柱分疆億霸才畫角  
蕭蕭邊氣蕭蕭漫籌險勝一徘徊

幽人

幽人愛看雲結廬雲深處風雨暗前村夢冷寒江樹

送人之江西

幽窗冷雨澹於秋春巷泥深燕子愁昨夜一鐙青似豆夢  
魂先到百花洲

畫馬

十萬天閑側足難漫將神駿問奚官世閒原少徐無鬼牝  
狂驪黃一樣看

湘行雜詩

天空一雁下高秋  
寒色依依微壓橘洲  
十七年來如夢過江  
山無恙客重遊

盈盈秋水碧於苔  
晒網漁村戶半開  
疏柳幾株人待渡  
夕陽黃過板橋來

人家多住綠雲邊  
縹緲衡峯斷復連  
樓畔雲開山色見  
朝朝朝到縣門前

孫布衣琪入首

琪字玉崖號少白  
華容人有集華容  
孫氏世以文學顯  
於明代門才之盛  
無比今少替矣少  
白挾其業遍遊東  
南遂爲時聞人斯  
其不愧門風乎集  
米

見僅從選本中採錄數首

長洲吳翌鳳懷舊集云少白爲明洞庭漁人孫

宜之後家臨貧芒屨赤足求友四方遇有詩人仰  
解句流月流連不去亦矜奇之士也量供舊飲書  
法米襄陽頗有勁氣詩未免有才多之患然  
骨幹開張筆力倔彊足矯拘牽庸熟之習

古詩酬別懃懃真

春雲不爲隸浮游漫垠堦兮鵠不高翥啁哳伍燕雀吾子  
才不羈扣關拊膺濁年少事遠征中抱氣磅礴千金裝寶  
劍百金飾馬絡楚楚金縷衣行路光燦燦鼉梁渡南正高  
柳窮廣漠晞身蟠木閒散髮岍與弱嶧山碑已燬响嘯字  
殘剝俛仰一狂嘯邑邑返林壑甫里豈不賢俗眼乃相薄  
牢石崇冠冕軒蓋接綺閣顯晦會有日盛極亦蕭索至人  
道和光赤縣心寥廓忠信涉園流天命聊自樂伊余事行

役搜奇徧海嶽蔓草迷金臺古人不可作南遊踰碣嶺日  
晡至城郭暗樹夜猿叫陰房山火躍誰倒王粲屣空泣卞  
和璞與子深交締言歡慰寂寞羸馬悲風塵倦鳥戀林薄  
逝將返巖穴商山有葵藿百孤行別離遠訂泉石約

別梧門祭酒

孤鴻競雲響迢迢心與隨言旋遵廣牧激湍涵初曦海深  
不可涉山高不可躋入世多艱阻延佇撓煩懷流雲戀層  
巘遘隼依故枝方朔隱朝帟陳生滯京畿豈不遠相結征  
軌長別離別公燕臺下道阻羸馬嘶萋草何蔓蔓霜露有  
餘淒恍怏盼皇色行邁願已違

桑乾不西流涓涓迴流水褐夫不梯榮去去念鄉里自我

徂京華委抱高雲裏  
振衣上金臺  
擷英惜流晷  
喬松施蔭羅平楚  
蒙葛藟托根良所難  
意氣感知已  
侯羸守夷門  
荆軻飲燕市  
一顧皆上賓  
棄軀報公子  
使君謫仙人  
座有渤海士  
相依滯寒暄  
悵悵發歸鞞  
隕霜剪丹榮  
繆野一延企  
時復一高歌  
策策暮風起

霄漢樓

廿載鬱懷抱  
來從霄漢遊  
人煙開六皖  
風雨入三秋  
遠嶂城中出  
寒潮樹杪流  
江南有塵障  
不到謝公樓

登白蓮峯

扶筇上高嶺  
窄徑風蕭然  
竹密藏村屋  
天寒咽石泉  
鳥驚深樹月  
人下曲潭煙  
回首望巖際  
峇堯削白蓮

京口遇風

潤州城外怒濤生，十幅蒲帆阻去程。  
隱隱市樓沈夜色，迢迢江樹獵秋聲。  
愁生鐵瓮雲千里，夢繞清湘月五更。  
時自蓬窗攬衣坐，曉天遙聽塞鴻鳴。

大觀亭

千里一身吳下遊，十年三至碧山頭。  
雲橫北郭樓臺冷，雁落南湖天地秋。  
韓建墓中老狐穴，涪翁祠下哀猿啾。  
多情未免爲兒女，夢繞衡湘故國樓。

煙霞洞

翠竹虬松疏影橫，醉眠洞口月黃昏。  
自知不是煙霞癖，猶有蒼生入夢魂。

張國子克謀 十三首

克謀字松山華容人監生有僅可齋詩鈔

山亭

逸致想雲林高懷澹無迹惟攜一片雲長流清澗石松風  
靜秋意竹露湛空碧蘿徑渺山亭遠與塵終隔何常愜素  
心悠然此共適

有懷

晚岑落空翠幽懷一以遇興來每獨往清溪渺何處意與  
流水閑坐對碧山暮月冷層崖秋葉落吳江樹長歌憶舊  
遊悠然動情素

清溪小泊

輕舟未云遙又轉清溪境微波泛空碧搖漾雲林影日夕  
不見人潛禽意彌靜停橈向春風輕寒上衣冷

桃花山同退圃兄作

東山東去千石圻桃花一洗春山碧春風昨夜湖上來千  
樹萬樹桃花開落花一徑清溪曲中有幽人結茅屋門前  
數峯放眼青林下好風吹夢綠我昔探奇入夢來壻花猶  
記雲水隈幾載鞭絲到南北落霞孤負春山色安知靈境  
忽相逢側耳已聽萬壑松煙雲竊宅仙源路指點虛無其  
君去山迴路轉遍桃花夢裏湘源杳何處

雲閣晚眺

自註在滇  
中大理府

飛閣臨無地蒼茫夕靄開甸雲低度水海日半銜山荒服

通南塞河流擁上關盟臺遺跡在征戍幾人還

秋感

風急楚天高江流吼怒濤竹深山鬼嘯木落野猿號閭里  
秋懷遠關河別夢勞長歌已激越不必讀離騷

勸門秋日

振袂上層臺寒煙碣石開燕山落蒼翠秋色正西來海闊  
烽煙靜天高鴻雁哀悲秋兼苦雨臨眺獨徘徊

江樓送別友人

坐惜故人去高樓生暮涼離心此超忽野色轉蒼茫一鳥  
橫秋水孤帆帶夕陽願隨江上月相送到瀟湘

書巴陵女史傳後

萬古風騷歷劫過可憐戎馬送雙娥詩詞宛轉悲湘竹環  
珮蕭條怨碧蘿南渡夢魂山海月西風木葉洞庭波至今  
煙雨江天暮猶似哀吟續九歌

按巴陵女史指韓希孟也希孟韓魏公五世孫適  
袁陽賈尚書子環少明慧能詩元兵破岳州女年  
十八為奉所掠以衣帛書一詩赴水死其詩云宋  
末有天下堅正臣體兼國百戰功每陣推雄挺  
及侍周勃主臣心嘗炯炯帝口卿北伐山戎今有  
警死節莫學尾此行當繫頸即日辭陛行盡敵心  
欲是陳橋忽兵變不得守箕顙禪讓法堯舜民物  
類安靜有國三百年仁義道馳聘未改祖宗法天  
胡以裂冠袖思天地理中有幸不幸天果喪中原  
大以裂冠袖思天地理中有幸不幸天果喪中原  
人重成嘗耿耿江無謝安塞北有王猛所以  
馬來飛渡已陵竟大江限南北今此一解  
固封疆誰謂如畫餅烈火燎崑岡不辨金玉  
本良家子性僻守孤梗嫁與尚書兒銜紫  
直以才德合不棄宿癰瘦初結合歡帶誓比日月  
晴鷺鷥會雙飛比目原常並豈其金石堅化作桑

榆景旄頭勢正然	此燕郢一方遭劫寇六族死俄頃退鵲落迅風孤	驚弔空影縛堅折白玉瓶沈斷青綆一死空冥冥	憂心長炳炳意堅志不移改邑不改井我本瑚璉	器安官作溺血志節匪轉石氣噎如吞鯁不作燭	火然顧為死灰冷貪生念趨蛾乞憐羞虎甯借此	清江水葬我全首領皇天如有知定作血面請願	魂化精衛填海使成嶺此詩士大夫多稱道之又	徐君寶妻亦岳州人同韓氏為元兵所掠韓死徐	繫至杭州主者數犯之不從以有令色卒亦弗殺	一日給主者祭謝先夫乃得開焚香南向再拜泣	題滿庭芳詞於壁上投水死詞云漢上繁華一且	人物尙遺宣政風流綠窗朱戶十里爛銀鉤一日	刀兵齊舉旌旗擁百萬貔貅長驅入歌樓舞榭一風	捲落花愁清平三百載典章文物掃地俱休幸此	身未北猶客南州破鏡徐郎何狂空惆悵相見無	絲從今後斷魂千里夜夜岳陽樓按兩女同被	元兵從容就死詩詞懷婉悲激志調俱同元郝經	彭架均有巴陵女子行詩然皆憑弔希孟未及徐	也楚寶及巴陵志都兩存而吾楚先集中亦罕有	詠及者松山此詩亦未見佳而關係甚	重亟存之并敬錄二女詩詞於右方
---------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	----------------------	---------------------	---------------------	--------------------	---------------------	---------------------	---------------------	-----------------	----------------

絕句

楚樹寒楓驛吳霜老荻洲橫江歌一曲人倚岳陽樓

雨後

疏林澹晚煙遠岸墮殘碧微雨過湘流澄然見秋色

登黃鶴樓

木落滿天秋秋高黃鶴樓白雲飛不盡日暮大江流

古意

送君曾幾時門前秋水長何處夜歸帆月明聞盪槳

陶秀才丙壽

十五首

丙壽原名振笏字立臣號笙樓長沙人諸生有三

蕉餘話揖青山樵詩草

夢遊衡山三首

秋風吹嶽色千里落眼前飄飄雙紫鸞翼我凌長煙青松  
挂明月黃花開洞天芙蓉翠可挹紫蓋削如肩登巖把鐵  
笛天風爲我旋古雪四飛舞散落巴陵船恍惚石屏閒倏  
來九疑仙青童從絳節玉女顏如蓮笑問予爲誰得毋昧  
此緣我聞一踟躕四顧空茫然

浩歌倚天柱靈境豁然闢崖間綴星斗歷歷手可摘清冷  
銀河笙聽之了不隔旬旬天關啟招手雲中客窈窕青鳳  
皇忽下排虛翮授我綠金笈遺我赤玉舄我欲從之遊飄  
飄度無跡回顧七十峯連環不可拆東注洞庭水一勺秋  
煙碧

沙洲雜錄卷之三  
三  
高高祝融巔捫蘿恣奇賞扶桑一聲雞滿耳波濤響長風  
捲煙霧海日一九上赤豪射天地森森幾萬丈倒現蓬萊  
山明滅金銀榜一一古仙人踏波戲來往我心忽東遊與  
之俱滉瀟憑崖坐歎息青龍不可以須臾不知處天宇豁  
開朗

獨坐

蘿薜杳空谷芷蘭思遠汀美人湘水外何處遺芳馨短髮  
行將白疏鐙長自青五更推枕起獨坐倚秋屏

四月十三日夜呂仙祠下作

吾家流水曲門對麓山青卻愧華陽監松陰縛草亭貧堪  
煮白石懶不誦黃庭凡骨何年換飛仙白晝經

蚤寒有懷易午亭

之子杳何處蚤寒風滿樓  
湘天一聲雁木葉兩年秋  
寂寞相如賦蕭條平子愁  
臨風亟相憶煙水渺蒼洲

答午亭聞鐘

自予秋臥病不見子經年  
縹渺雲無際空濛霜滿天  
心飛一雁外頭白五更前  
聽此不能寐村雞曉樹煙

秋海棠分韻

多情誰與話纏綿淺白深紅最可憐  
團扇秋藏黃竹籠短  
橈春遯木蘭船三年慧業空成石  
一點愁心欲化煙殘夜  
莫燒高燭照滿天霜氣壓清眠

秋感

近聞僦耳東行裝東上蓬萊覽大荒湖海半生龍性老關  
山片月雁聲涼心夷世路無荆棘歲熟鄉園有稻粱何日  
買山歸計就荷鋤種豆與徜徉自注家兄麓樵自瓊州赴京頃復客登州  
江河日夜自東流今古彭殤共一漚上坂麒麟空後老妬  
芳鵲鳩每先秋始知才短皆奇福不信文窮只好修納納  
乾坤容幾許側身四望此登樓

欽崎歷落舊時曾哀樂無端歲月增獨倚蛟龍天外劍高  
歌神鬼雨中鐙豈堪市肆傭司馬止合蓴菰飽季鷹徑被  
饑驅長作客頭顱四十問何能

山行

斑竹叢叢新作葺定知林內有人家幽香十里碧山路石

上紫藤閑落花

野寺門關長碧苔  
板橋支處一僧回  
不知空翠滴衣溼  
道是無聲山雨來

湖上

新漲初晴遠拍隄  
菖蒲出水綠初齊  
溼雲歸去不成雨  
沙鳥一雙相向啼

初晴登羅洋山

妙鬘雲生縹渺閒  
人家深在翠微灣  
分明一幅營邱畫  
著我巖頭看遠山

向秀才肇琬二首

肇琬字鄒山  
澈浦人  
諸生東陽令肇隆之弟少同

東陽隨其伯兄肇嶽師事羅慎齋先生時有澈江  
三向之稱著有心莊詩草四卷其子先薰碧橋以  
鈔本見寄爲錄存詠古詩二首

馬新息侯

諸兒少已談才奇三輔騰聲志不羈坐井難稽天下士守  
錢徒愧丈夫兒荒涼景物飛鳶日慷慨功名聚米時我到  
壺頭懷往事山嵐杳藹匝秋祠

爰寄生吹笛

蕭條一曲武陵溪深無限幽情感至今瘴雨蠻煙畱古渡曉  
風殘月度遙岑還鄉幾破孤軍夢報國難傳老將心最是  
江流多飲憾千秋猶自寫寒音

沅湘耆舊集卷第一百六十三終